

庶物類纂

蟲屬
自十一卷十二

容

太政官文庫			
和書門	特別	三三六二	茅五十四番
類	號	函	架
		册	四六五

内閣文庫			
番號	和	32362	
册數	465 (346)		
函號	特	54	1

百四

共五十六



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




人

人

人

人



庶物類纂蟲屬卷之十一目次

蝻

桑螵蛸

庶物類纂

蟲屬目次

蠹娘

一名莫辨爾雅一名蚌同上一名不過同上一名石

娘爾雅一名齧肱爾雅一名髦方言一名疋同上

一名蚌蚌同上一名拒芥輶軒絕一名蠹娘本草


一名研父同上一名天馬同上一名刀娘綱目

名蝕肱同上一名食厖淵鑑一名馬敷同上

蛭父義烏縣志一名當郎安慶府志

俗名夏罵結霍越中州又名噎霍出雲州又名噎
 麼越中州又名歇伊豫州又名夏伊豫州
 罵播磨州又名夏罵結七野州又名夏野州
 名噎同又名結同又名夏同又名夏同
 德陸奥州又名法同噎同脫同霍同十同
 又名夏罵紫孤周防州又名噎同噎同噎同噎同
 州同又名噎同噎同噎同噎同噎同
 名澳同又名噎同噎同噎同噎同噎同
 刘同母同澳同母同母同十同州同又同又同又同又同又同

名夏罵搭德越前州又名法噎脫能登州



螳螂

莫、翮、螳、螂、蚌、蚌、雅爾、螳、螂、有、斧、蟲、江、東、呼、為、石、螳、孫、叔、然、
 以、方、言、說、此、義、亦、不、了、翮音鶴蚌音謀。晉郭璞爾雅註。莫、翮、一、名、
 螳、螂、一、名、蚌、即、上、不、過、也、捕、蟬、而、食、有、臂、若、斧、奮、之、
 當、軼、不、避、莊、子、云、猶、螳、螂、之、怒、臂、以、當、車、軼、是、也、江、
 東、呼、為、石、螳、又、名、齧、肱、註、孫、叔、然、以、方、言、說、此、義、亦、
 不、了、按、方、言、曰、螳、螂、謂、之、髦、或、謂、之、虻、或、謂、之、芋、芋、
 孫、炎、取、此、方、言、之、文、以、虻、上、屬、為、說、按、說、文、以、虻、蛭、
 負、勞、為、一、則、方、言、之、說、既、失、其、指、孫、氏、引、之、為、說、亦、

亦不了也。宋邢昺爾雅疏

螳螂謂之髦。有斧蟲也。江東呼或謂之虻。按爾雅云

義自應下屬方言也。或謂之蚌。蚌姑蟹謂之強。蚌小

依此說失其指也。甲虫也。江東名之蟹音加。建平人呼

芋子音芋。芋即姓也。漢楊雄方言

交豫間謂蟪蛄為拒斧。漢楊雄語

吳王欲伐荆，告其左右曰：「敢有諫者，死。」舍人有少孺

子者，欲諫，不敢，則懷操彈於園，露沾其衣。如是者三

旦，吳王曰：「子來，何苦沾衣如此？」對曰：「園中有樹，其上

有蟬，蟬高居悲鳴飲露，不知螳螂在其後也；螳螂委

身曲附欲取蟬，而不知黃雀在其傍也；黃雀延頸欲

啄螳螂，而不知彈丸在其下也。此三者皆務欲得其

前利而不顧其後之有患也。吳王曰：「善哉！乃罷其兵。」

漢劉向說苑

易通繫卦曰：「螳螂搏蟬之蟲，乘寒而殺物，自隱蔽而

有所害，捕搏之象也。」

周書時訓曰：「芒種之日，螳螂生，是謂陰恩。」

禮記月令仲夏之月，螳螂生。蔡邕月令章句曰：螳

王讚曰：爾雅云：莫貽螳螂，同類物色也。今沛魯以南

謂之螳螂燕趙之際謂之食肱齊究以東謂之馬馱

機謹按獬當作狝

華嶠後漢書曰蔡邕在陳留其隣有以酒食召邕者比至而酒酣焉客有彈琴於屏邕至門潛聽之曰嘻以樂召我而有殺心何也遂反將命者告主人曰蔡君向來至門而去主人遽自追而問其故邕具以告彈琴者曰我向鼓琴見螳螂方向鳴蟬蟬將去未飛螳螂為之一前一却吾心聳然唯恐螳螂失之也此豈為殺心而形於色者乎邕曰此足以當之矣

吳越春秋曰吳王夫差令於邦中曰寡人欲伐齊敢有諫者死太子友因諷諫以激於王以清且懷九挾彈從後園而來衣浹履濡吳王夫差恠而問之太子對曰臣遊後園聞秋蟬之鳴往而觀之秋蟬登高樹自以為安不知螳螂起枝緣條曳而舉吻欲哺其形也螳螂貪心務進志在有利蟬不知黃雀盛緣茂林徘徊枝葉欲啄螳螂也

莊子曰莊周游於雕陵之樊觀一異鵲自南方來者執彈而留之宿留何便也觀一蟬方得美蔭而忘其身螳

螳執翳且搏之自執草以見得而忘其形異鵲從而利

之見利而忘其真真身也莊周怵然曰噫物固相累二

類相召也指彈而反走

又曰螳螂怒臂以當車轍不知不勝任也是才之美

者也司馬彪曰非不有美才顧不勝任耳

許慎說文曰螳螂不過也一名螳蟻一名研父

邯鄲氏笑林曰楚人居貧讀淮南方得螳螂伺蟬自

鄣葉可以隱形遂於樹下仰取葉螳螂執葉伺蟬以

摘之葉落樹下樹下先有落葉不能復分別掃取數

斗歸一一以葉自鄣問其妻曰汝見我不妻始時怕

答言見後乃厭倦不堪紹云不見果然大喜齎葉入

市對面取人物吏遂縛詣縣縣官受辭自說本末官

大笑而不治

夢書曰螳螂為亡人蔽草也夢見螳螂憂亡命者

郭璞螳螂讚曰螳螂氣蟲揮斧奮臂當轍不迴勾踐

是避勇士致斃勵之以義

韓詩外傳曰齊莊公出獵有螳螂舉足將捕其輪問

其御曰此何蟲對曰此螳螂也為蟲知進而不知退

不量力而輕就敵公曰此為天下勇士矣迴車擊之
勇士歸焉淮南子同

又曰楚莊王將伐晉告士大夫有諫者死孫叔敖曰
臣園中有榆榆上有蟬蟬方奮翼悲鳴不知螳螂在
後欲攫而食之螳螂方取蟬不知黃雀在其後也以上

太平御覽

螳螂有斧蟲也充人謂之拒斧其臂如斧奮之當轍
不避莊子所謂猶螳螂之怒臂以當車轍者也一名
不過以此爾雅曰不過螳螂其子蟬毗蛸捕蟬而食

執木葉以自蔽蟬將去而未飛為之一前一却莊子
曰螳螂執翳而搏之見得而忘其形蓋謂是也宋陸佃

蟪蛄有斧蟲有不過螳螂莫辨蚌石蝦巨斧等名許
叔重又云世謂之天馬蓋驤首奮臂頸長而身輕其
行如飛有馬之象故贊八駿圖者以為其狀如麟鳳
螳螂然周書曰芒種之日螳螂生不生是謂陰息易
通卦驗曰螳螂捕蟬之蟲乘寒而殺物自隱蔽而有
所害捕搏之象也尤工捕蟬五六月蟬得美蔭奮翼

而鳴蟪蛄超枝緣條執翳自蔽諫腰舉及搏而取之
昔之鼓琴者見蟪蛄方向蟬將飛未去蟪蛄為之一
前一却絃者聳然恐蟪蛄失之也殺心見於聲故蟪
蛄陰殺之蟲也翳木葉也或曰得其翳者可以隱形
此蟲惟捕蟬時有進退之勢餘則知進而已齊莊公
出獵有蟲舉足將搏其輪問其御對曰此謂蟪蛄者
也其為蟲也知進而不知却不量力而輕敵莊公曰
此為人必為天下武勇矣迴車而避之莊公避一蟪蛄而武勇歸
之句踐禮蝦蟆其遺意也莊子曰蟪蛄怒臂以當車

轍不知其不勝任也是才之美者也言非不有美才
顧不勝任耳或曰迴車者句踐故郭璞贊曰蟪蛄氣
蟲搏斧奮臂當轍不迴句踐是避勇士致死勵之以

義說文堂蟪一名蚘父
宋羅願爾雅翼

劉向說苑吳王伐荆有諫者死舍人少孺子懷彈後
園露沾其衣如是者三旦王曰子來何沾衣如此對
曰園有榆上有蟬蟬高居悲鳴飲露不知蟪蛄之在
後蟪蛄之知捕蟬不知黃雀之在後臣執彈丸欲求
黃雀不覺沾衣韓詩外傳曰楚王伐晉敢諫者死孫

叔敖諫王曰臣園中有榆榆上有蟬蟬方奮翼悲鳴欲飲清露不知螳螂之在後也一謂吳王伐荆一謂

楚王伐晉二說小異宋張洲王楙野客叢書

芒種日螳螂一齊出物類相感志

螳螂兩臂如斧當輒不避故得當郎之名俗呼為刀
螳充人謂之拒斧又呼不過也代人謂之天馬因其
首如驤馬也燕趙之間謂之蝕肫肫即疣字小肉贅
也今人病肫者往往捕此食之其來有自矣其子房
名蝶蛸者其狀輕飄如綃也村人每炙焦飼小兒云

止夜尿則螳螂致神之名蓋取諸此酉陽雜俎謂之

野狐鼻涕象形也又楊雄方言云螳螂或謂之髡或

謂之羊七齊充以東謂之敷常蝶蛸亦名夷昌明李東璧

本草綱目

螳螂驤首奮臂修頸大腹二手四足善緣而捷以鬚
代鼻喜食人髮能翳葉捕蟬或云術家取翳作法可
以引形深秋乳子作房粘着枝上即蝶蛸也房長寸
許大如拇指其內重重有隔房每房有子如蛆卵至
芒種節後一齊出故月令有云仲夏螳螂生也同上

螳螂有斧蟲也捕蟬而食執木以自蔽蟬將去而未
飛為之一前一却深秋乳子至夏之初迺生如螽斯
亦百子云此蟲之陰者感微陰之氣故一陰始起殺
蟲應而生明盧翰月令通攷

螳螂飲風食露感一陰之氣而生能捕蟬又名殺蟲
又曰天馬言其飛捷如馬也又曰斧蟲以前二斧足
也深秋生子于林木一殼百子至此時破殼而出藥
中謂之蝶蛸生于桑者佳明馮應京月令廣義

機謹按明盧翰月令通攷以前二斧足也作以前

二足如斧也

螳音唐螳螂羽蟲之鷲斧臂卻行攫食蟲淮南子螳

螂怒其臂以當車轍明吳元滿六書正義

螳螂有斧蟲充人謂之拒斧其臂如斧奮之當轍不

避一名螳蟻一名不過其子蟬蛸一作蝶蛸爾雅正

義深秋乳子至夏初乃生一生百子如螽斯云明彭大翼

山堂肆考

埤雅螳螂好捕蟬食之執木葉以自蔽蟬將去而未
飛為之一前一却世云螳螂所之翳可以蔽形同上

類從螳螂之氣含之生火蚯蚓之塵背灑起霧同上

機謹按博學彙書引談薈背灑作背之

螳螂形如拇指時村人每炙焦飼小兒能止夜尿明范

負一典籍便覽

氣蟲搏斧奮臂當輒不迴李日華時物典彙

螳螂有斧蟲之有不過螳螂莫辨蚌石蝦拒斧等名

又謂之天馬螳首奮臂頸長而身輕其行如飛有馬

之象故名尤工捕蟬執翳自蔽竦腰舉又搏而取之

其子蟬蛸螳螂卵也螳螂逢樹輒產其卵皆相連綴

多在小桑上及叢棘間三四月中每枝出小螳螂數

百一名螳螂本草則謂之桑螵蛸明王思義三才圖會續集

爾雅正義曰螳螂深秋乳子至夏初乃生

廣雅曰芋芋齧肱螳螂也

機謹按藝文類聚芋芋齧肱作羊羊吮吮

禮記鄭注曰螳螂蝶蛸母也王瓚問曰爾雅云莫辨

螳螂同類物也今沛魯以南謂之螳螂三河之域謂

之螳螂燕趙之際謂之食厖齊濟以東謂之馬敦然

多名其子則同云蝶蛸是以注云螳螂蝶蛸母也

高誘淮南子注曰螳螂世謂之天馬以其驥首奮臂頸長而身輕其行如飛有馬之象

蠡海集曰螳螂蚘色綠而不鳴者螳螂有怒攫之勢專食生蟲其氣已散為殺氣蚘蚘性卑潛于草間陰勝故皆不鳴

莊子曰莊周遊雕陵之樊睹一異鵲自南方來者翼

廣七尺目大運寸感周之類而集于栗林感觸也周曰

此何鳥哉翼殷不遊殷曲也目大不覩不見也褰裳躩步

疾行也執彈而留之睹一蟬方得美蔭而忘其身螳螂

執翳而搏之見得而忘其形異鵲從而利之見利而

忘其真莊周怵然曰物固相累二類相召也捐彈而

反走虞人逐而誅之以上淵鑑類函

機謹按山堂肆考不遊作不逃物固上有噫字

羽蟲之摯者搖肩攫食他蟲翼下紅翅如褰裳俗謂

織紹娘其子房名蝶蛸陽春縣志

爾雅作不過又莫緝又螳蟻其子蟬蛸郭璞云江東

呼石娘說文作拒斧本草作螳螂亦作刀娘驤首奮

臂修頸大腹二手四足形如斧捕蟬其捷秋乳子作

房着樹即蟬蛸本草以桑為良高要縣志

按本草一名當娘以兩臂當轍得名也一日刀娘一

日拒斧因其臂如刀斧也土人呼為刀娘盛京通志

奮兩臂以當車轍者即此漳浦縣志

螳娘青色長臂福州府志

螳螂偃首僵項長脰扁身狀如削腹琵琶生仲夏性

善怒怒則以臂攬物無所畏讓綏化通志

螳螂馬首長頸大腹兩臂如斧善緣而捷以鬚代鼻

喜食人髮杭州府志

螳螂前兩足如斧每舉以拒物能捕蟬慮蟬飛執木

葉以自蔽俗呼斫螂金壇縣志

螳娘一名螳娘又斫父一名天馬子名蝶蛸逢木便

產一枚義烏縣志

螳螂兩臂如斧當轍不避故又曰當即安慶府志

螳螂爾雅謂之莫貅此虫知進惟捕蟬則一進一却

易通卦驗曰螳螂捕蟬蟬得美陰而鳴螳螂超枝緣

條以葉自翳蔽竦腰舉足搏而取之諸羅縣志

螳螂有斧虫也俗呼為虎螳螂當轍不避捕蟬而食

執木葉以自蔽廣信府志

機謹按鉛山縣志同

螳螂爾雅謂之莫緡其虫知進惟捕蟬則一前一却

齊莊公曰此天下勇蟲迴車避之而勇士歸或云是

勾踐漳州府志

螳螂一名圻父文曰天馬 斧淮南子齊莊公獵螳

螂舉足將搏其輪公曰此為勇士矣回車避之勇士

歸焉封川縣志

螳螂爾雅謂之莫緡其臂如斧奮之當轍深秋有夏

初乃生亦生百子如螽斯汀州府志

螳螂爾雅作不過俗稱刀螂當塗縣志

螳螂青色長臂三山志

螳螂俗名斫刀感陰氣而生月令曰螳螂生曹縣志

螳螂前兩足如斧舉以拒物深秋乳子至夏初迺生

泉州府志

螳螂說見前桑螵蛸仁和縣志

螳螂偃首僵項長脰扁身狀如削腹琵琶螵蛸母也

生仲夏性善怒怒則以臂撓物無所畏讓遵化州志

桑蝶蛸

一名蜉蛸爾雅一名蜉蝣爾雅一名野狐鼻涕

酉陽雜俎一名博焦廣雅一名夷冒同上一名致神醫名

錄別一名尿娘丹徒縣志

俗名各霍播磨又名倭虎七那虎孤霍
加賀又名七噎那虎孤霍
州薩摩

桑螵蛸

不過螻蟻爾雅螻蟻蟾娘別名爾雅郭璞註其子蜉蝣爾雅
 名螻蟻螻蟻卵也螻音干郎切蟻音郭璞爾雅註不過一
 名螻蟻一名螻娘母也其子一名蜉蝣一名螻蟻一
 名螻蟻螻蟻卵也方言云潭魯以南謂之螻蟻三河
 之域謂之螻蟻燕趙之際謂之食庵齊杞以東謂之
 馬容其子同名螻蟻也月令仲夏云螻蟻生是也宋邢
昂爾雅疏○十三經註疏○

野狐鼻涕螵蛸也俗呼為野狐鼻涕唐段成式酉陽雜俎

不過螻蟻其子蟬蛸螻蟻卵也螻蟻逢樹輒產其卵皆相連綴多在小桑上及叢棘間三月四月中每枝出小螻蟻數百螻蟻應殺之蟲故小暑至後五日而生所應者微陰故螻蟻司殺之小者也蟬蛸所在有之以桑上者為佳是兼得桑皮之津氣耳市之偽者以膠着桑枝之上則無益矣一名蟬蟪本草則謂之桑蟪蛸主於藥而言也范子計然曰蟬蛸出三輔上價三百又海中有烏賊魚背如樗蒲形亦有蟬蛸之名故方家謂此為桑蟬蛸謂彼為海蟬蛸說文蟲蛸宋羅願

爾雅翼

張揖廣雅曰羊羊蛻虻螻蟻也博焦夷冒焦蟬蛸也

太平御覽

范子計然曰蟬蛸出三輔上價三百同上

吳春卿云往年學中置一桑蟬蛸于筆格上巨撲緣

者無數檢月令視之乃螻蟻生月日也宋江休復隣幾雜誌

史朝請琳云其舅張仲元患風痺平生餌桑蟬蛸圓

及死自口吻有黑氣出戶數丈視之蟬蛸無數宋王鞏聞

見近錄

陶隱居云俗呼螳螂為石音蝦逢樹便產以桑上者為好是兼得桑皮之津氣市人恐非真皆令合枝斷取之爾偽者亦以膠著桑枝之上也臣禹錫等謹按蜀本圖經云此物多在小桑樹上叢荆棘間並螳螂卵也三月四月中一枝出小螳螂數百枚以熱醬水浸之一伏時焙乾於柳木灰中炮令黃色用之嘉祐補註

草本

桑螵蛸自採者真市中所售者恐不得盡皆桑上者蜀本圖經浸炮之法不若略蒸過為佳隣家有一男

子小便日數十次如稠米泔色亦白心神恍惚瘦瘵食減以女勞得之今服此桑螵蛸散未終一劑而愈安神魂定心志治健忘小便數補心氣桑螵蛸遠志菖蒲龍骨人參茯神當歸龜甲醋炙已上各一两為末夜卧人參湯調下二錢如無桑上者即用餘者仍須以炙桑白皮佐之量多少可也蓋桑白皮行水意以接螵蛸就腎經用桑螵蛸之意如此然治男女虛損益精陰痿夢失精遺溺疝瘕小便白濁腎衰不可

闕也宋寇宗奭本草衍義

機謹按闕當作闕

蝶蛸音飄，蛸，螳螂子房也。此蟲深秋產卵於樹，至初夏乃生子數百，名曰蟬蛸，亦名夷冒。惟桑上者佳，名桑蝶蛸，一名蟬蛸。明范貞一典籍便覽

桑蝶蛸即桑樹上螳螂子也。一生九十九子，用一枚便傷百命，勿輕用之。清馮兆張錦囊秘錄

螳螂俗呼斷娘，其子房名蝶蛸，俗以療遺尿，因呼為尿娘。丹徒縣志

生桑上者佳，本草謂之桑蝶蛸。漳浦縣志

螳螂能醫桑，捕蟬其子房名蝶蛸者，狀輕飄如綃也。

杭州府志

爾雅曰：不過螳螂也。其子蝶蛸，故古名螳螂為蝶蛸。母以桑上為佳，本草謂之桑蝶蛸。漳州府志

桑蝶蛸，螳螂房也。寄桑者良。當塗縣志

桑蝶蛸，螳螂子也。多在山木及荆棘間。桑上者以得桑津氣，故佳。市之者以附枝為驗。三山志

蘇勸類集卷十一

蟲屬 桑蝶蛸 五

庶物類纂蟲屬卷之十二目次

蠶 總

鱗蟲

一名神蟲義烏縣志一名蠓江西新城縣志

俗名戛虛各又各各十育加賀又各十

育鹵同又各十育越中又各結十各同又

名七各州出羽又名拿紫各上又名各脫那陸

州

蠶

蠶羅爾雅蚕蚕郭璞音城○晉此即蚕蛹所變者也說文

云、蠶羅是也宋邢昺爾雅注疏

蠶桑繭爾雅食桑葉作繭者即今蠶晉郭璞注惟由樗繭

繭食樗葉爾雅郭璞音象惟言譬○棘繭爾雅惟由樗繭

樂繭爾雅食樂葉晉郭璞注此皆蠶類作繭者因所食葉而異其名也

食桑葉作繭者名蠶即今蠶也食樗葉棘葉樂葉者

名惟由食蕭葉作繭者名罔也上同

庶物類纂卷三十一 蠶 二

庚子年...

蠶三化先孕而後交不交者亦產子子後為蠶皆無
晉日易傷叔採亦薄晉張華博物志

五禮先蠶儀註曰親蠶前二日木祝令質明以太牢
祝先蠶皇唐歐陽詢藝文類聚

機謹按太平御覽木祝作大祝無皇字

周遷古今輿服雜事曰蠶始生后食之三灑而止同上

晉元康義曰皇后採桑壇蠶宮西南同上

董巴輿服志曰漢皇后桑於東郊苑中者又曰太皇

太后入廟服紺上皂下蠶青上縹下簪以玳瑁長一

尺端為華勝上為鳳皇同上

漢書曰孝元王皇后為太后幸蠶館率皇后及列侯

夫人桑于北郊同上

禮記曰古者天子諸侯必有公桑蠶室近川而為之

十三宮之夫人世婦之吉者使入蠶室奉種浴千川

桑于公桑又曰季春之月后妃齋戒親桑以勸蠶事

蠶事既登分繭稱絲以供郊廟之服同上

雜五行書曰欲知蠶善惡常以三月三日天陰而無

日不見雨蠶大善同上

無物類彙編卷二十一

蟲屬 蠶

三

洞林曰東中郎參軍周稚瑛封蠶蛾令吾射之同上
 扶桑國使使貢方物有黃絲三百斤即扶桑蚕所吐
 扶桑灰汁所煮之絲也帝有金爐重五十斤係六絲
 以縣爐絲有餘力唐張梁四公記
 元和八年大軫國貢重明枕神錦衾碧麥紫米神錦
 衾水蠶絲所織也方二丈厚一寸其上龍文鳳彩殆
 非人工其國以五色彩石甃池塘採大柘葉飼蠶於
 池中始生如蚊睫浮泳於其間及老可五六寸池中
 有挺荷雖驚風疾吹不能傾動大者可闊三四尺而

蠶經十五月即跳入荷中以成其壘形如斗自然五
 色國人繅之以織神錦亦謂之靈泉絲上始覽錦衾
 與嬪御大笑曰此不足以為嬰兒綳拂曷能為我被
 邪使者曰此錦之絲水蠶也得水則舒水火相反遇
 火則縮遂於公前令四官張之以水一噴即方二丈
 五色煥爛逾於向時上乃嘆曰本乎天者親上本乎
 地者親下不亦然哉則却令以火逼之須臾如故上
 益異之翌日出示術士田元佐李元戢焉唐蘇鶚杜陽雜編
 禮記月令曰季春之月蚕事既登分繭稱絲

春秋考異郵曰四月蚕餌絲

山海經曰歐絲之野有一女子跪樹而歐絲郭璞註曰蚕類也

論衡曰蚕合絲而商絃絕按子生而父氣衰新絲既登故體者自壞耳

古樂府歌詩曰羅敷善蚕桑採桑城南隅青絲為籠繩柱柱為籠鈞何用識夫婿白馬紫驪駒青絲繫馬尾黃金籠馬頭

春秋文耀鉞曰商絃絕蚕合絲

春秋考異郵曰蚕陽者火火惡水故食不飲桑者土之液水生火故蚕以三月葉類會精合相食

機謹按淵鑑類函月下有食字無類字以下六字史記天官書曰正月上甲風從東方來宜蚕續漢書

曰光武建武二年野蚕成繭民収其絮與服志曰貴人助蚕瑋瑁簪釵珥

東觀漢記曰明德馬皇后置織室蠶於濯龍門中數往來觀內以為娛樂

謝承後漢書曰南陽范曄為吳桂陽太守教民植桑

無功類集卷二十一 蠶 五

唐書卷一百一十二
絺紵之屬養蚕織履民得利益

後魏書曰世宗正始年徐州蚕蛾吃人禿殘者一百一十餘人死者二十二人時高肇專政聚斂不息

隋書曰江湖之南一年蠶四五熟

又曰文德太后率內外命婦有事於親蚕

又曰開元中上命宮中食蚕親自臨視欲使嬪御已下知女工之事及蚕罷獲絲甚以賜焉

周禮天官甸宰曰中春詔后帥外內命婦治蚕于北郊以為祭服

禮記合曰季春曰是月也命有司無伐桑柘乃修蚕器后妃齋戒享先蚕而躬桑以勸蚕事

又孟夏曰是月也蚕事既登后妃獻繭乃收繭稅以桑為均貴賤長幼如一以給郊廟之服

檀弓曰成人有其兄死而不為衰者聞子臯將為成宰遂為衰成人曰蚕則績而蠲有匡范則冠而蟬有綏兄則死而子臯為之衰

祭義曰古者天子諸侯必有公桑蚕室近川而為築宮僅有三尺棘牆自外閉之及大昕之朝君皮弁素

積十三宮之夫人世婦人吉者使入蚕室奉種浴于川桑干公桑風戾以食之歲既單矣世婦卒蚕奉繭以示于君遂獻繭于夫人

祭統曰是故天子親耕于南郊以供齊盛王后蚕于北郊以供純服諸侯耕於東郊以供齊盛夫人蚕於北郊以供冕服天子諸侯非莫耕也王后夫人非莫蠶也

韓子曰蟬似蛇蚕似蠋人見蛇驚駭見蠋則毛起而漁者持蟬婦人拾蚕利之所在皆資育也

淮南子曰季春后妃齊戒東鄉就桑者婦使觀蚕事

又曰蚕食而不飲三十日而不化

又曰食桑者有絲而蛾

機謹按大戴禮易本命篇同

又曰蚕餌絲而高絕高絃金聲也春蠶吐絲金死故也

機謹按故下一有絕字

淮南萬畢術曰白芳七結浴蠶

抱朴子曰始以藥粉桑長蚕蚕得十月不死

東方朔占曰正月旦竟日不風清明宜蚕

郭子橫洞宜記曰寒青之國其國人皆以鳥為衣其地多有蚕色青長一丈亦曰青蚕績其絲大如指一絲可以羈絆牛馬國人常以十丈繫黃門之厩以拘馬也巨象獅子常令以此一絲繫之
司馬徽別傳曰人有臨蠶求徽箴者徽便以與之自弃其蚕

搜神記曰舊說太后機謹按說古時有人遠征家惟有一女并馬一疋女思父戲馬曰爾能為我迎得父吾將嫁汝馬乃絕疆機謹按說而去至父所疑家中

有故乘馬而還馬後見女輒怒而奮擊父恠之密問女女具以答父乃射殺馬曝皮於庭女至皮所足蹙之曰爾馬而欲人為婦自取屠剥何如言未竟皮蹙然起卷女而行父還失女從大樹枝得女及皮乃盡化為蚕績以樹上其繭厚大異於常蚕隣婦取養之其收二倍令世或謂蚕為女兒古之遺語也
家訓曰胡人見錦不信有虫食樹吐絲所成者在江南不信有千人氈帳及來河北不信有萬石舟船皆實驗也

齊諧記曰正月有神降陳氏宅云我是蠶神能見祭當令蚕百倍令人正月半作飴糜為此也

皇后親蚕儀註曰皇后躬桑將一條執筐受桑將三條女尚書跪白曰可止執筐者以桑授蚕毋蚕毋以桑適金室也

三輔政事曰始皇后葬用大蚕二十箔

玄中記曰大月支有牛名為日及今日割取其肉三四斤明日瘡愈漢人入此國見牛不知以為珍異漢人曰吾國有蚕大小如指為蚕食桑葉為人吐絲外

國人亦復信有蚕也

又曰化民食葉五七年化能以自衰如蚕績九年生翼十年而死去琅耶萬里
林邑記曰九真郡蚕年八十繭小輕薄絲若綿細
永嘉郡記曰永嘉有八輩蚕
蠶珍蚕三月
柘蚕初績四月
初績四月
愛珍績五月
愛蚕六月
寒珍七月
末績七月
四出蚕九月
初績九月

蚕者故蠶蚕種也
蠶繭三月既績出蛾取卵七月八月便割蚕主多養之是謂蠶欲依愛者取蠶均之

卯藏內瓮器中隨器大小亦可十紙百紙蓋覆器口
安冷水使冷氣折其出勢僅得三七日然後劄生養
之謂為愛珍亦愛子績成繭蛾生卯卯七日又剖成
蚕多養之此則愛蚕也

廣志曰有原蚕有冬蠶有野蚕有柞葉可以柞綿
崔贛易林兌之坎曰飢蚕作室緒多亂纏端不可得
又震之兌曰秋蚕不成冬種不生

魚龍河圖曰蚕沙宅地大富得蚕絲吉利
仲長子昌言曰北方寒其人壽南方暑其人夭此寒

暑之方驗於人也約之蚕也寒而餓之則引日多温
而飽之則用日少此寒温餓飽之為修短驗於物者
也

機謹按淵鑑類函約作均無約字上二十一字
物理論曰使民主養民如蚕母之養蚕則其用豈徒
絲蚕而已哉

雜五行書曰舍南種棗九株辟縣官宜蚕桑
閔鴻蚕賦曰體龍頸而驥咏邁皦系於羔羊
古艷歌曰日出東方隅照我秦氏樓秦氏有好女自

名為羅敷羅敷善蠶桑採桑城南隅

陸機詩曰老蚕晚績縮老女晚見唇曾不如老鼠翻

飛成蝙蝠

蔡邕書曰家祖居常言客有三當死夜半蠶時至人

室家也今者一行而犯其兩

稽康養生論曰火蚕十八日寒蚕三十餘日

裴顧崇有論曰鳥無胃肺蛤無五臟蛭以空中而生

蚕以無胃而育也以上太平御覽

蠶為天駟星化何云女兒答曰太古時人遠征家有

一女并馬一匹女思父乃戲馬曰爾能為我迎得父

歸吾將嫁汝馬乃絕韉而去之父所父疑家有故乘

之而還駿馬見女輒怒而奪父繫之父恠而審問其

女女具以寔答父乃射然馬曝皮於庭所女以足蹙

之曰爾馬也欲人為婦自取屠剝何如言未竟皮歛

然起抱女而行父還失女後大樹之間得乃盡化為

縛蠶於樹其繭厚大於常蚕鄰婦取養之其收二倍

今世人謂蠶為女兒蓋古之遺語也程雅問蠶○宋馬縞中華古今


註

蠶陽物也惡水食而不飲淮南子曰蠶食而不飲蟬
飲而不食蜉蝣不飲不食再蠶謂之原蠶一名魏蠶
今以晚葉養之先王之法禁焉淮南子曰原蠶再登
非不利也然王者之法禁之為其殘桑也鄭云蠶為
龍精月直大火則浴其種是蠶與馬同氣物莫能兩
大禁原蠶者為害馬歟然則原蠶有禁非特欲以護
桑又以害馬故也今蠶負馬迹亦其驗歟里俗謂之
夏蠶亦曰熟蠶亦曰晚蠶自世衰道微先王之禁不
行而民間一歲至有三蠶者矣是以桑弱而馬耗也

蠶書曰飼似蠶勿用雨露溼葉蓋蠶性惡溼故禮云
桑于公桑風戾以食之也今俗飼蠶以葉灑之欲其
勻厚故古者王親耕三推而止王后親蠶三灑而止
舊云蠶之所吐為忽十忽為絲五絲為緝聶十絲為
升二十絲為絨四十絲為紀八十絲為總詩曰素絲
五絨又曰五總其絲之數蓋如此太玄曰紅蠶綠干
枯桑其繭不黃蓋蠶足於葉三俯三起二十七日而
蠶已老則紅故謂之紅蠶紅蠶以繭自衣亦或謂之
室易林曰饑蠶作室是也爾雅釋蟲曰蠨象桑

也商金音也火吐金因應之而絕珥絲或為餌絲或曰上下絲於口故曰叫絲其獨成繭者謂之獨繭自二以上謂之同功繭獨繭絲細而有緒詹何以之為綸引盈車之魚也顏氏家訓曰胡人見綿不信有蟲食木吐絲所成養蠶之室浴明而溫漢法犯腐刑者下未央蠶室取其溫爾古者后妃享先蠶而後躬桑先蠶天駟也漢舊儀曰令蠶神曰苑窳婦人寓氏公王凡二神宋羅願爾雅翼蠶之類多爾雅曰蠶桑繭讎由擣繭棘繭樂繭蠶蕭

繭此皆蚕類吐絲成繭者食桑葉為繭者曰蠶蓋蚕也或云野蚕食擣葉棘葉樂葉為繭者曰讎由食蕭葉為繭者曰蠶蕭蒿也原蚕者再熟之蚕也淮南子原蚕一歲再熟然王法禁之者為殘桑也周禮禁原蚕者註云為其傷馬今以蠶為末塗馬齒即不能食草以桑葉拭去乃還食此明蚕馬類也物莫兩盛宋鄭夾漈通志昆蟲草木畧白眼蜂豐寧傳蚕退之後多為乾腊貨之開元中春末兩市白眼蜂如山市人以此卜絲帛之豐儉宋孔侯白



帖孔六

于闐初無桑蠶，隣國不肯出，其王即求婚，許之，將迎，乃告曰：國無帛，可持。蚕自為衣，女聞置蚕帽絮中，闕守不敢驗，自是始有蚕。女約刻石無殺蚕，蛾飛盡得治繭。同上

吳都賦：卿貢八蚕之繅。六測記曰：一歲八蚕出，日南

同上

山海經：諸天之野有女子，跪樹歐絲，註：蚕類也。同上自曲靖州至滇池，人水耕食蚕，以柘蚕生，閱二旬而

蠶織綿絲精緻同上

南蠻莊躡之裔，正月蚕生，二月熟。同上

機謹按：月令廣義引通攷同。

杜陽編：彌羅國有桑，連延十數頃，其上有蚕，長四寸，

其色金，其絲碧。同上

酉陽雜俎：支機謹按：洪邁分類表諾皋篇載：新羅國

人旁，色求蠶，種于弟，弟蒸而與之，色不知也。至蠶時

有一生焉，日長寸餘，居旬大如牛，食數樹葉，不足，弟

伺間殺之，百里內蠶飛集，其家意其王也。是說殊怪。

誕近宿州符離北境農民王友聞居邑之蔡村與弟友諒同處娶邑人秦彪女天性狼戾日夜譖諒竟分折出外或經年不相面諒嘗乞蠶種于兄秦以火焙而遺之諒妻如常法煖浴以俟其出過期亦但得一已而漸大幾重百斤秦氏伺諒夫婦作客東村但晉稚女守舍秦呼其夫同詣之詐女往庖下直入蠶房見蠶卧牖畔喘息如牛食葉如風雨聲秦鞭以巨挺每一擊輒吐絲數斤秦震怖魂魄俱喪急促夫歸因病心顫踰日而死及諒蠶成繭皤然如甕綠之正

得絲百斤

宋洪邁夷堅志

餘于潤陂民譚魯二家每歲育蚕百箔紹熙元年四月其妻夜起餵葉忽見箔內一蚕長大與他異幾至數倍而逐節為一色青紅黑白皎然不雜當中如黃金透徹腹背妻知為佳祥取香合捧承別剉細葉鋪藉寘諸佛堂旦起揭視則已生兩身明日又生尾俄而衆足皆隱徐生四足能立全如馬形時時勃跳作戲凡七十畫馬不見但得小佛像似入定觀音象頭跌坐外間傳說來瞻觀者駢肩疊迹譚氏畏有他變

乃併合瘞之于桑下是歲所得絲絮倍於常年至於
小蚕寒蚕亦皆逐意二年三年皆然及四年癸丑春
夏所育猶昔了無一繭成就甲寅乙卯歲亦如之其
村鄰有以女為張思順婢說此事蓋親見之上同
淳熙十四年豫章蚕頓成桑葉價直過常時數十倍
民以多為憂至舉家哭於蚕室命僧誦經而送諸江
富家或用大板浮蓬管其上傍置紙錢而書標云下
流善友若饒於桑者願奉此錢以償乞為育此蚕期
無愧於天地他不得已而輦棄者皆感額起不忍心

獨南昌縣忠孝鄉民胡二桑柘有餘足以供餵養志
於鬻葉以規厚利與妻議欲瘞蚕妻非之胡不顧喚
厥子携鉏剗桑下為穴悉窖之且約遲明采葉入市
自以為得策飲酒醉寢三更後聞床壁嘖嘖聲謂有
盜舉火就視益蚕也以箒掃去之隨掃隨布竟夕擾
一家駭懼妻尤責言曩愆胡愈憤怒復決意屏滌盡
明日昏時乃定殊不自悔但恨失一日搗鬻之利俄
又聞嘖嘖聲胡呼曰莫是箇怪物又來也亟起明燈
足才下地覺為虫所齧大叫稱痛其子繼起亦如之

妻急奔視則滿榻上下蜈蚣無數父子宛轉痛楚數日胡二死蜈蚣悉不見子幸無他而外間人家蚕已作繭胡桑葉盈園不得一錢也同上

蠶過小滿則無絲蜀葵過小滿則長物類相感志

蚕畏鼓聲則伏而不起亦畏雷故也同上

予閑居婦善蠶從婦論蠶作蠶書考之禹貢揚梁幽雍不貢繭物充篚織文徐篚玄織續青篚底纁域緝豫篚織續青篚縠絲皆繭物也而桑上既蠶獨言於充然則九州蠶事充為最乎予游濟河之間見蠶者

豫事時作一婦不蠶比屋言之故知充人可為蠶師令予所書有與吳中蠶家不同者皆得充人也宋秦觀蠶書

蚕生明日桑或柘葉風戾以食之寸二十分晝夜五食九日不食一日一夜謂之初眠又七日再眠如初既食葉寸十分晝夜六食又七日三眠如再又七日若五日不食二日謂之大眠食半葉晝夜八食又三日健食乃食全葉晝夜十食不三日遂繭凡眠已初食布葉勿擲擲則蚕驚母食二葉同上

唐乘異集載蜀中寺觀多塑女人披馬皮謂馬頭娘以祈蠶搜神記載女思父語所養馬若得父歸吾將嫁女馬迎得父見女輒怒父殺馬曝皮於苞中皮忽卷女飛去桑間俱為蠶俗謂蠶神為馬明菩薩以此然周禮馬質禁原蠶註天文辰為馬蠶蠶為龍精月直大火蠶馬同氣物不能兩大禁再蠶者為傷馬舊祀先蠶與馬同祖亦未可知宋桃源載吳都賦曰國稅再熟之稻卿貢八蚕之繭註謂有蠶一歲八育按廣記日南一歲八蚕以其地暖故爾俞

益期牋曰日南蚕八熟張文昌桂州詩曰有地多生桂無時不養蚕此言可驗矣而海物異名記乃謂八

蚕共作一蚕與前說異宋長洲王楙野客叢談

齊魯燕趙之種蠶收繭訖主蠶者簪通花銀碗謝祠

廟村野指為女及弟宋陶穀清異錄

蠶最巧作繭往往遇物成形有寡女獨宿倚枕不寐

私傍壁孔中視隣家蠶離箔明日繭都類之雖眉目

不甚悉而望去隱然似愁女蔡邕見之厚價市歸縹

絲製琴絃彈之有憂愁哀動之聲問女琰琰曰此寡

女絲也聞者莫不墮淚宋伊席夫 瑯嬛化

新繁縣李氏失其名家養蚕甚多將成值桑大貴遂

不終飼而埋之嚙其桑葉大獲其利將買肉麪歸家

造饅頭食之擘開每顆中有一蚕自此災癘俱興人

口淪喪夫蠶者靈蟲衣被天下愚氓坑蚕獲利有此

徵報爾宋黃休復 茅亭客話

一切蠶事並忌大小耗并受死日宋陸泳吳 下田家志

順水斑蠶事少桑多柘繭薄小不可繅可緝為紬或

以五色間染布為偽名順水斑宋朱輔溪 蠶叢笑

江浙間養蚕皆以鹽藏其蠶而繅絲恐蚕蛾之生也

每繅畢煎茶葉為汁搗米粉搜之篩於茶汁中煮為

粥謂之洗甌粥聚族以啜之謂益明年之合璧 事類

機謹按明年之下疑晚蠶字

祭蚕室神吳縣王戎夜見一人立宅東南角謂戎曰

此池是君蚕室我即池神明日月半君宜作白粥泛

膏於上以祭我必當令君蚕百倍言訖失所在戎如

其言年年得蚕也歲同上

土人皆不事蠶桑婦人亦不曉針線縫補之事僅能

織木綿布而已亦不能紡但以手理成條無機杼以織但以一頭縛腰一頭搭上梭亦止用一竹管近年暹人來居卻以蠶桑為業桑種蠶種皆自暹中來亦無麻苧惟有絡麻暹人卻以絲自織阜綾衣着暹婦卻能縫補土人打布損破皆倩其補之元周達觀真臘風土記雜五行書曰二月上壬取土泥屋四角宜蚕吉○案今世有三臥一生蚕四臥再生蚕白頭蚕頭石蚕楚蚕黑蚕有一生再生之異灰兒蚕秋母蚕秋中蚕老秋兒蚕秋末老獬兒蚕錦兒蚕同繭蚕或二蚕三蚕

共為一繭凡三臥四臥皆有絲綿之別凡蚕從小與大者乃至大入簇得飼荆魯二桑小食則桑中與魯桑荆有裂腹之患也明徐光啓農政全書務本新書曰蚕有十體寒熱饑飽稀密眠起緊慢謂飼時緊慢也

○同上
蚕經曰蚕有三光白光向食青光厚飼皮皺為饑黃光以漸住食同上
白樂天自警一詩云蚕老繭成不庇身蜂饑蜜熟屬他人須知年老憂家者恐似二虫虛苦辛又一詩有

所悲云獸中刀鎗多怒孔鴈遭羅弋炎哀鳴羔羊口
在緣何事聞死屠門無一聲偶閱二詩錄之亦可以

警言曹安調言長語○續說郭

蠶不飲蟬不食雞無肺故飲而不溺無金不能生水
也免無脾故狡而不信脾屬土五行之土猶五常之

信也甘陵孫緒無用問談○同上

自死者名白殭蠶從替象其頭身之形從虫以其
繁也俗作蚕字者非矣蚕音腆蚯蚓之名也蠶病風
死其色自白故曰白殭死而不朽曰殭再養者曰原

蠶之屎曰沙皮曰蛻癭曰繭蛹曰蠅音龜蛾曰羅
卵曰蛻音兌蠶初出曰妙音苗蠶紙曰連也明李東壁本草

綱目

蠶孕絲蟲也種類甚多有大小白烏斑色之異其蟲
屬陽喜燥惡濕食而不飲三眠三起二十七日而老
自卵出而為妙自妙蛻而為蠶蠶而繭繭而蛹蛹而
蚕蚕而卵卵而復妙亦有胎生者與母同老蓋神虫
也南粵有三眠四眠兩生七出八出者其繭有黃白
二色爾雅云蠶桑繭也惟由樗繭也虻蕭繭也棘繭

藥繭皆各因所食之葉命名而蠶即今桑上野蠶也
今之柘蠶與桑蠶並育即棘繭是也南海橫州有風
繭絲作釣絲凡諸草木皆有蠅蠅之類食葉吐絲不
如蠶絲可以衣被天下故莫得並稱凡蠶類入藥俱
用食桑者同上
李氏曰蠶屬陽喜燥惡濕食而不飲三眠三起二十
七日而老自卵出而為蚰自蚰脫而為蠶蠶而繭繭
而蛹蛹而蛾蛾而卵卵而復蚰亦神蟲也其種東南
居多西方畧少北方則無矣蠶病風死其體直殭其

色自白死且不朽也今市肆多用中濕死蠶或用石
灰末淹拌令白服之為害最深不可不慎也雷氏曰
修治用米泔浸一日俟桑涎止出浮水上者即掠去
之洗淨微火焙乾淨布拭去黃皮毛并黑口甲搗細
用明倪朱謨
本草景言
東卿老人曰蠶神蟲也卵育紙上過冬用食鹽淹拌
蠶紙一層鋪鹽一層置露屋上一月收藏而春後始
能發生亦奇物矣蠶蛾性淫出繭即媾至於枯敗則
已別錄方言強陽道益精氣暖水藏益本於此意同上

園客者濟陰人也姿貌好而性良邑人多以女妻之
 客終不取常種五色香草積數十年食其實一旦有
 五色蛾止其香樹末客収而薦之以布生桑蠶焉至
 蠶時有好女夜至自稱客妻道蠶狀客與俱収蠶得
 百二十頭蠶皆如甕大繅一繭六十日始盡訖則俱
 去莫知所在故濟陰人世祠桑蠶設祠堂焉或云陳
 留濟陽氏讚曰美哉園客顏擘朝華仰吸玄精俯採
 五葩馥馥芳卉采采文蛾淑女宵降配德升遐列仙傳
○仙

集事 淵海

機謹按曹州志五色蛾作五蛾

庶物類集卷十一

